



**Meeqqat Ikiortigit**  
Red Barnet Grønland

## **Meeqqat ikiortigit nikanarsaasarneq akiorniarlugu paasisitsiniaanermik ilisarititsissaaq**

**Meeqqat Ikiortigit 2019-imi nikanarsaasarneq akiorniarlugu suliniutiminik annertusaassaaq. Ingerlanniakkat nutaat arlaqartut aammalu Pajuppara aqutugalugit inersimasut paasitinniarneqassapput qanoq iliorluta meeqqat ataqatigiinnerulernissaat ikorfartorlugulu anguniarsinnaassagipput.**

Kalaallit Nunaanni meeqqat inuussuttullu akornanni nikanarsaasarneq ajornartorsiutaasorujussuuvoq. Tamanna misissuinerit takutippaat, nikanarsaasarneq peqqutaanerpaat ilagivaat, meeqqat MIO-mut SMS-erluni siunnersorneqarnissaq pillugu saaffiginnittarnerannut. Taamaattumik aliangiupparput nikanarsaasarneq immikkut qitiutillugu samminiartulugu. Tamannami unissarneqassappat suleqatigiissutigisariaqarparput. Taamatut Meeqqat ikiortigit nalunaaruteqarpoq, nalunaartlunilu piareersimagami nikanarsaaneq pillugu paasisitsiniaanissaq 2019 tamaat ingerlatissallugu.

”Nikanarsaasarneq meeqqat nunannersumik inuusinnaanerat ineriarnorallu pitsaanngitsumik sunniuteqarfigisarpai, imminut naleqartut misigisinnaanerat annertuumik innarlertarlugu, allaat inuunerup sinnerani ikertut tammarsinnaanngitsut pigiliunneqarsinnaasumik. Nikanarsarneqarneq qiimallortitserujussualersarpoq; meeqqallu nikanarsarneqarneq aqusaagaqarsimasut tamarmik, inuunermi sinnerani tamatuminnga kingunerlutsitsialersarlutik. Misissuinerit takutippaat, nikanarsaasarneq inoqatinullu akulusimamissamik kajungerunnaanerneq ikiorsumagaanni aqutissat pitsaanerpaat tassaasut akaareqatigiilluni nuannersumillu ataatsimoorfeqalernerit, meeqqat tamarmik inissaqartinneqartut misigilerfigisaannik, pinngortitsinissat. Taamatut oqarpoq Meeqqat Ikiortigit-mi siulersuisuni siulittaasuusoq, Jonna Ketwa.

Taamaattumik ukioq naallugui ingerlanniarsaakkat ataatsimut qulequtarivaat: **Ataqatigiilluarnerit tamanut inissaqartitsisut.**

”Ukioq manna paasisitsiniaaneq atorlugu imaattumik oqariartuuteqarniarpuq: Nikanarsaasarneq meeqqat ajornartorsiutigivaat, inersimasulli akisussaaffigivaat,” Meeqqat Ikiortigit sinnerlugu Jonna Ketwa oqarpoq.

### **2019-imi ingerlanniakkat:**

- *Chat Paaralugu* 2018-imi septemberip qaammataagaa internetsikkut attaveqaatitigut nikanarsaasarneq unissarniarlugu aallartinneqarpoq, taannalu maanna meeqqat atuarfiini ilinniartitsisunit annertuumik atorfeqalereersimalluni. 2019-llu upernarneqani taanna meeqqat atuarfiini meeqqanut nukarliunerusunut atugassiamik malitseqartinneqassaaq. Chat Paaralugu inerisarneqarpoq PiSiu-mit Meeqqat Ikiortigit-miillu suleqatigiissutit.
- Upernaamullu Nuummi Atuakkanik Atorniartarfimmi (Nunatta Atuagaateqarfiani) atuffassineq tunngavigalugu *Kaassasuk* aallaavigalugu ingerlatsinissaq pissaaq. Tassani atuffassineq tirtaallunilu suleqatigiissitsinerit atorlugit oqallissutiginiarneqarput qinngasaarisanerit ikinngutigittullu ataatsimoornerit. Kaassasullu aallaavigalugu nuna tamakkerlugu ingerlanniagaq qulequtaqassaaq *Pajuppara*.



## Meeqqat Ikiortigit

Red Barnet Grønland

- 2019-ip aasariartulernerani nuna tamakkerlugu paasisitsiniaanissaq *Katinnat* ilisaritineqassaaq. Tassani qitiutinneqarlutik sammineqassapput nikanarsaasarnerni aallaviusartut, tamatta eqqaasilluta nikanarsaasarneq tamatsinnit akisussaaffigineqarmat.
- *Katinnat* naatsunnguannorlugu filmilaaqqatut isiginnaagassiaavoq nunarput tamakkerlugu tv-kkut attaveqaatitigullu takutinneqartussaasusaaq.
- Tassanilu anguniarneqarpoq, sapinngisamik amerlanerpaanit takuneqarnissaa, siamartitereqataaffigineqarnissaa qisuariaateqarfigineqarnissaalu. Isiginnaagassiannguaq pineqartoq aamma ilinniarnertuunngorniartut atuartunut allanilu inuussuttunut ilinniartinniittunut sammisaqartitsinissami tunngaviusaaq, tassani inuusuttut saaffigineqassallutik nikanarsaasarneq unitsinniarlugu filmeeralioqqullugit.
- Meeqqat ulluanni 1. juni Kalaallit nunaanni Meeqqat Ikiortigit pisoqartitsilluni aliikkusersuisitsillunilu aaqqissuiniarpoq qulequtaralugu "Sumiiffiik piffisarlu nikanarsaaviuneq ajortut". Tassani qitiutinneqarlutik sammineqassapput ikinnguteqartarneq/ikinngutigiiinneq aammalu ataatsimoorneq meeqqat tamarmik peqataaffigisaat.
- Ukiarpat saqqummiullugu ingerlanneqassaaq *Pajuppara*. Taanna Kaassassutulli meeqqanut nipituumik atuffassinermik tunngaveqassaaq, meeqqanut erseqqissarumallugu ikinngutigiiinnerup ataatsimoornerullu qanoq paasilluarneqarnissaa. *Pajupparalu* nunarput tamakkerlugu atuffassisarluni sapinngisamik sumiiffinni amerlasuuni ingerlatsiortornissanut aallarniutaassaaq. "Toqqissisimanermik ataatsimoornermillu sumiiffinni assigiinngitsuni sammisaqarnerit nikanarsaasarnerup unissarnissanut sunniuteqartussaapput. Taamaattumik Pajupparap ilangussussavai meeqqat inuusuttullu, nikanarsaanermi unissarneqarsinnaanngimmat meeqqat inersimasullu suleqatiginngikkutsigit.," Jonna Ketwa oqarpoq.
- Ukiullu naajartulernerani pisusaaq kingulleq *Nuan*-imik qulequtaqartoq aallartineqassaaq. Taanna atuarfinni akullernut ilinniartitsissutitut ingerlasussatut naatsorsuusaaq sammineqassallu nikanarsaasarneq qanorlu taatuminnga pinngitsoortitsiniarsinnaaneq. Misissuinerit takutippaat, nikanarsaasarneq atuartut akulliit akornanni nalinginnaanerpaalluni takussaanerpaasartoq, tamakkulu akornanni ileqquluutit kinorna kalinneqqalerlutik pinngorajuttartut.
- *Nuan!* malitseqartinneqassaaq atortussanik taaneqartunik *Naligiissuseq*, atuarfiit aallaavigalugit kikkunnut tamanut atugassiaasoq. Taakku atorlugit atuartut, ilinniartitsisut, atuarfinni pisortaausut angajoqqaallu atuarfinni nikanarsaanermik akiuniarluni periusissanik ineriartortitseqatigiissinneqassapput.

Annertunerusumik paasiniaajumasut saaffigineqquneqarput uunga: Siulersuisuni siuluttaasoq Jonna Ketwa +299 246550.